

1. ხელშეკრულების დამდები მხარეები

ერთი მხრივ საქართველოს შინაგან საქმეთა სამინისტრო (მის: ქ. თბილისი, გია გულუას ქუჩა N10, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204383176 (შემდგომში „შემსყიდველი“) წარმოდგენილი შსს ეკონომიკური დეპარტამენტის დირექტორის თია მელაძის სახით და მეორე მხრივ

მიმწოდებელი: შპს „ჯი თი მოტორს“; საიდენტიფიკაციო კოდი: 206276340;

მისამართი, ტელეფონი: ქ. თბილისი, დავით აღმაშენებლის ხეივანი №155; ტელ: 2595000;

დირექტორი: თემურ უსტიაშვილი

საბანკო რეკვიზიტები: სს „საქართველოს ბანკი“; ბანკის კოდი: **BAGAGE22**; ა/ა: GE89BG0000000247624300;

(შემდგომში „მიმწოდებელი“), ორივე ერთად წოდებული, როგორც „მხარეები“, ვმოქმედებთ რა საქართველოში მოქმედი კანონმდებლობის საფუძველზე, ვდებთ წინამდებარე ხელშეკრულებას.

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

2.1. ხელშეკრულების (შესყიდვის) ობიექტია: 10 ერთეული მსუბუქი ავტომანქანის შესყიდვა. ინფორმაცია შესყიდვის ობიექტის დასახელების, ტექნიკური მახასიათებლების, რაოდენობისა და ერთეულის ღირებულების შესახებ მოცემულია წინამდებარე ხელშეკრულების დანართი №1-ში და დანართი №2-ში („ფასების ცხრილი“), რომელნიც თან ერთვის ხელშეკრულებას და წარმოადგენს მის განუყოფელ ნაწილს (იხ. დანართი N1 - 1 ფურცელი; დანართი N2 - 1 ფურცელი).

2.2. წინამდებარე ხელშეკრულებით გათვალისწინებული ავტომანქანების ტექ-მომსახურების სახელმწიფო შესყიდვის მიზნით, შემსყიდველი მიმწოდებელთან უზრუნველყოფს შესაბამისი ხელშეკრულების გაფორმებას გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის 101 მუხლის მე-3 პუნქტის „თ“ ქვეპუნქტის საფუძველზე - მიმწოდებლის მიერ სატენდერო წინადადებით წარმოდგენილი დანართი №3-ის და დანართი №4-ის პირობების დაცვით. აღნიშნული დანართებით განსაზღვრული განფასება ძალაშია ავტომანქანების საგარანტიო პერიოდის ამოწურვამდე (5 წელი ძირითად აგრეგატებზე (ძრავი, ხიდი გადაცემათა კოლოფი); 3 წელი ან 150000 კმ გარბენი (რომელიც ადრე შესრულდება) სრულ ავტომანქანაზე, გარდა სწრაფგვეთადი ნაწილებისა (ელექტრონათურები, ელექტრომცველები, შუშის საწმენდი ჯაგრისები, გადამბულობის ქურო, საყრდენი დისკი და მომჭიმი საკისარი)). დანართი №3 და დანართი №4 თან ერთვის წინამდებარე ხელშეკრულებას და წარმოადგენს მის განუყოფელ ნაწილს. საგარანტიო პერიოდში შემსყიდველის მოთხოვნის შემთხვევაში, მიმწოდებელი იღებს ვალდებულებას საგარანტიო პერიოდში, თუ ავტომანქანის რეგლამენტით არ არის განსაზღვრული წინა და ან უკანა ხუნდების ხუთჯერ გამოცვლა, მაგრამ საჭირო გახდა წინა ან უკანა ხუნდების არაგვემეორე დამატებითი გამოცვლა, ამ შემთხვევაში არანაკლებ ხუთჯერ უზრუნველყოს შემსყიდველისთვის წინა და უკანა ხუნდების მიწოდება უსასყიდლოდ (გარდა იმ შემთხვევისა, როცა არაგვემეორე გამოცვლა გამოწვეულია ავტომანქანის ექსპლუატაციის წესების დარღვევით. საჭირო გახდა და ამასთან, გაუწიოს შემსყიდველს შემდეგი მომსახურება: ავტოსატრანსპორტო საშუალებების პროფილაქტიკური და დიაგნოსტიკური მომსახურება, მათ შორის სათადარიგო ნაწილების შეკეთება ან/და შეცვლა; საცხებ-საპოხი მასალების შეცვლა; საჭიროების შემთხვევაში ევაკუატორით მომსახურება.

2.3. შპს „ჯი-თი მოტორს“ წარმოადგენს ავტომანქანების მწარმოებელი კომპანიის ოფიციალურ დილერს, რომელსაც საკუთრებაში გააჩნია ავტომანქანის მწარმოებლის ავტორიზებული სერვის-ცენტრი. აღნიშნულის დამადასტურებელი დოკუმენტაცია და ასევე, მიმწოდებლის მიერ წარმოდგენილი ავტომანქანის უსაფრთხოების დამადასტურებელი დოკუმენტი (NCAP) თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

2.4. შესყიდვის საშუალება: ელექტრონული ტენდერი აუქციონის გარეშე **NAT180018416**.

2.5. ხელშეკრულების ღირებულება შეადგენს 277160 (ორას სამოცდაჩვიდმეტი ათას ას სამოცი) ლარს. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს (მათ შორის განბაჟებისა და სახელმწიფო რეგისტრაციის (შემსყიდველზე გადაფორმებისა და სტანდარტული ფასის სახელმწიფო საწომრე ნიშნების ღირებულებას) ხარჯების ჩათვლით).

2.6. კლასიფიკატორის კოდი: CPV-34100000 - ავტოსატრანსპორტო საშუალებები.

2.7. ხელშეკრულება ძალაშია: ხელშეკრულების გაფორმებიდან 2019 წლის 31 იანვრის ჩათვლით, მაგრამ არანაკლებ მხარეთა მიერ ხელშეკრულებით ნაკისრი ვალდებულებების სრულ და ჯეროვან შესრულებამდე.

3. შესყიდვის ობიექტის მიწოდების პირობები, ვადა და ადგილი

3.1. შესყიდვის ობიექტის მიწოდების ვადა: ხელშეკრულების გაფორმებიდან 2 (ორი) სამუშაო დღის ვადაში.



3.2. შესყიდვის ობიექტის მიწოდების ადგილი: ქ. თბილისის ტერიტორიულ ფარგლებში, - შემსყიდველის მიერ მოთხოვნილ ადგილზე.

4. შესყიდვის ობიექტის ხარისხი და გარანტია

4.1. მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

4.2. მიწოდებული ავტომანქანები უნდა იყოს ახალი (ექსპლუატაციაში არმყოფი). მიწოდებული ავტომანქანების საგარანტიო ვადა მიღება-ჩაბარების აქტის გაფორმებიდან შეადგენს: 5 წელი ძირითად აგრეგატებზე (ძრავი, ხიდი გადაცემათა კოლოფი); 3 წელი ან 150000 კმ გარბენი (რომელიც ადრე შესრულდება) სრულ ავტომანქანაზე, გარდა სწრაფცვითადი ნაწილებისა (ელექტრონათურები, ელექტრომცველები, შუშის საწმენდი ჯაგრისები, გადამბულობის ქურო, საყრდენი დისკი და მოჭიმი საკისარი).

4.3. მიწოდებული ავტომანქანები უნდა იყოს ახალი (ექსპლუატაციაში არმყოფი), ნივთობრივად და უფლებრივად უნაკლო.

4.4. მიმწოდებელი იღებს ვალდებულებას მიწოდებულ ავტომანქანებზე საგარანტიო პერიოდის განმავლობაში გამოვლენილი წუნის/ხარვეზის/დეფექტის/გაუმართავობის აღმოფხვრა ან საქონლის შეცვლა უზრუნველყოს საკუთარი ხარჯებით, - აღნიშნულის თაობაზე შეტყობინების მიღებისთანავე, შემსყიდველის მიერ განსაზღვრულ გონივრულ ვადაში (საგარანტიო მომსახურების სპეციფიკაციიდან გამომდინარე), შემსყიდველის მხრიდან დამატებითი დანახარჯების გაწევის გარეშე. აღნიშნულ შემთხვევაში, ავტომანქანის ტრანსპორტირებას უზრუნველყოს მიმწოდებელი - ევაკუატორით მომსახურების წინასწარ შეთანხმებული ფასის შესაბამისად.

4.5. საგარანტიო პირობებით განსაზღვრული მოთხოვნები ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა და ავტომანქანის გარბენის კილომეტრაჟისა. ამასთან, საგარანტიო პერიოდში ტექ-მომსახურების გაწევისას გამოყენებული სათადარიგო ნაწილები/საცხებ-საპოხი მასალები უნდა იყოს ახალი (ექსპლუატაციაში არმყოფი) და რეკომენდირებული ავტომანქანის მწარმოებლის მიერ. მიწოდებულ ავტომანქანებზე გეგმიური მომსახურების გაწევა მიმწოდებელმა უნდა უზრუნველყოს შემსყიდველის მოთხოვნიდან არაუგვიანეს 2 (ორი) სამუშაო დღის ვადაში.

4.6. მიმწოდებელი იღებს ვალდებულებას წინამდებარე ხელშეკრულების ფარგლებში მიწოდებული ავტომანქანების სერვის-მომსახურება საგარანტიო პერიოდის განმავლობაში განახორციელოს მის საკუთრებაში არსებულ სერვის-ცენტრში, მდებარე: ქ. თბილისი, დავით აღმაშენებლის ხეივანი №163.

4.7. დეტალური ინფორმაცია გარანტიის ვადების და პირობების შესახებ მოცემულია ხელშეკრულებაზე თანდართულ დოკუმენტში - „ინფორმაცია გარანტიის ვადები/პირობები და სატენდერო დოკუმენტაციის 1.7.1.7 პუნქტის მოთხოვნით გათვალისწინებული ვალდებულებების შესახებ“, რომელიც წარმოადგენს წინამდებარე ხელშეკრულების განუყოფელ ნაწილს.

4.8. მიმწოდებლის მიერ ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

5. ხელშეკრულების შესრულების კონტროლი

5.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და გამოცადონ მიწოდებული ავტომანქანები, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები, იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოს თავითონ შემსყიდველი ორგანიზაცია.

5.3. შემსყიდველი შესყიდვის ობიექტის მიწოდების ინსპექტირებას/კონტროლს ახდენს სისტემატიურად, საკუთარი შეხედულებისამებრ. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

5.4. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებული ავტომანქანის ახლით შეცვლა (იმ შემთხვევაში თუკი გამოვლენილი ნაკლის გამოსწორება შეუძლებელია).

5.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს შსს ლოჯისტიკის დეპარტამენტის ტრანსპორტის სამმართველოს მომსახურების განყოფილების უფროსი - ბექა ქენჭაძე.

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება - ჩაბარება განხორციელდება ეტაპობრივად, შემსყიდველის და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.



6.2. შემსყიდველის მხრიდან ავტომატების მიღება-ჩაბარების აქტის გაფორმებაზე უფლებამოსილ პირ(ებ)ს წარმოადგენს შსს ლოჯისტიკის დეპარტამენტის ტრანსპორტის სამმართველოს აღრიცხვის განყოფილების უფროსი - გოგა სარუა.

6.3. მიღება-ჩაბარების აქტების გაფორმების პარალელურად, მიმწოდებელი ვალდებულია წარუდგინოს შემსყიდველს ანგარიშსწორებისათვის საჭირო, მოქმედი კანონმდებლობით დადგენილი დოკუმენტაცია.

6.4. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

7. ანგარიშსწორება და ანგარიშსწორების ვალუტა

7.1. ანგარიშსწორება მოხდება უნაღდო ანგარიშსწორებით ლარში.

7.2. ანგარიშსწორება განხორციელდება 2018 წლის სახელმწიფო ბიუჯეტის სახსრებით, ფაქტიურად მიწოდებული შესყიდვის ობიექტის მიხედვით, მიღება-ჩაბარების აქტის ხელმოწერის, შესაბამისი საგადასახადო დოკუმენტაციის გამოწერისა და წარმოდგენის შემდეგ არაუგვიანეს 10 კალენდარული დღის ვადაში, თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7.3. წინასწარი ანგარიშსწორება (ავანსი) არ გამოიყენება.

8. ხელშეკრულების შესრულების უზრუნველყოფის გარანტია

8.1 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი, სს „საქართველოს ბანკი“-ს მიერ 2018 წლის 14 დეკემბერს გაცემული №PE43625 - 18 უპირობო გამოუთხოვადი საბანკო გარანტიით განსაზღვრული საგარანტიო თანხა შეადგენს 13858 (ცამეტი ათას რვაას ორმოცდათერთმეტი) ლარს. საბანკო გარანტია წარმოადგენს წინამდებარე ხელშეკრულების განუყოფელ ნაწილს. საბანკო გარანტია ძალაშია 2019 წლის 21 თებერვლის ჩათვლით.

8.2 მიმწოდებლის მიერ ხელშეკრულებით ნაკისრი ვალდებულების სრულად შესრულების შემდეგ შემსყიდველი ორგანიზაცია ვალდებულია დაუბრუნოს მიმწოდებელს საბანკო გარანტია ან/და მასთან დაკავშირებული დოკუმენტაცია მისი მოთხოვნიდან 14 დღის განმავლობაში.

8.3 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ვალდებულია მიმწოდებლის მოთხოვნიდან 14 დღის განმავლობაში დაუბრუნოს მას ხელშეკრულების შესრულების უზრუნველყოფის საბანკო გარანტია.

8.4 გარანტია არის უპირობო, ე.ი. გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებისა და მტკიცებულების წარდგენის გარეშე, პირველივე მოთხოვნისთანავე.

9. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა და გადახდის ვადები)

9.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

9.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0.1%-ის ოდენობით.

9.3 ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0,15%-ის ოდენობით.

9.4 მიმწოდებლის ბრალეულობით ხელშეკრულების შეწყვეტის შემთხვევაში მიმწოდებელს ჩამოერთმევა ხელშეკრულების შესრულების უზრუნველყოფის საბანკო გარანტია სრულად.

9.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

9.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

10. ხელშეკრულების შეწყვეტა

10.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.

10.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

10.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღწია მეორე მხარის მიერ ხელშეკრულებით ნაკისრი ვალდებულების შეუსრულებლობით.



10.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

10.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ შესყიდვის ობიექტის მიწოდების ვადის 5 სამუშაო დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

10.6 ამ მუხლის პირველი და მე-5 პუნქტებში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული შესყიდვის ობიექტის ღირებულება.

11. ფორს-მაჟორი

11.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული.

11.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. რომელსაც თან უნდა ახლდეს შესაბამისი დამადასტურებელი დოკუმენტაცია, მათ შორის, სსიპ - „საქართველოს საგაჟრო-სამრეწველო პალატის“ დასკვნა ფორს-მაჟორის დადასტურების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

12. ხელშეკრულებაში ცვლილებების შეტანა

12.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12.3 ხელშეკრულების საბოლოო ღირებულება განისაზღვრება ფაქტობრივად მიწოდებული შესყიდვის ობიექტის ღირებულების შესაბამისად, რაც არ საჭიროებს დამატებით შეთანხმებას.

13. უფლებების გადაცემა


13.1 ხელშეკრულებით განსაზღვრული უფლება-მოვალეობების მთლიანი ან ნაწილობრივი გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - შესაძლო პირი).

13.2 დაუშვებელია ხელშეკრულებაში მიმწოდებლის ჩანაცვლება, გარდა საქართველოს კანონმდებლობით გათვალისწინებული შემთხვევებისა (ორგანიზაციის შერწყმა, გაყოფა და სხვ.).

14. ღირებულება

14.1. მხარეთა შეთანხმებით დასაშვებია ხელშეკრულების ღირებულების შეცვლა.

14.2. მიმწოდებელთან დადებული ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება. ან უარდება



ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

14.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.

14.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

15. ურთიერთობა ხელშეკრულების დამდებ მხარეებს შორის

15.1. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

15.2. ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტაქტო პირი - დავით კორძაია; მობილური ტელეფონის ნომერი: 595900935, ელექტრონული ფოსტა: d.kordzaia@gtgroup.ge;

ბ) შემსყიდველის შემდეგი რეკვიზიტები: საკონტ. პირი - ბექა ქენკაძე; მობილური ტელეფონის ნომერი: 577799009; ელ-ფოსტა: kenkadze.beka@mia.gov.ge;

15.3. ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

15.4. შეტყობინება შედის ძალაში ადრესატის მიერ მისი მიღების დღეს.

16. სადაო საკითხების გადაწყვეტა

16.1. ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

16.2. ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

16.3. შემსყიდველს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით/ ვალდებულების დარღვევით (მათ შორის უხარისხო შესრულებით).

16.4. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. სხვა პირობები

17.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

17.2. წინამდებარე ხელშეკრულება დაიდო ამ დოკუმენტის თავში მითითებულ თარიღს, შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

17.4. „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომრებაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

17.5. „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

შსს „შემსყიდველი“
შსს ეკონომიკური დეპარტამენტის
ირექტორი
თია მელაძე



„მიმწოდებელი“
შპს „ჯი-ეფ-მუტორსი“
დირექტორი
თემურ ჯიფიაშვილი



ფასების ცხრილი							დანართი №2	
№	შესყიდვის ობიექტის დასახელება	მწარმოებელი კომპანია / წარმოშობის ქვეყანა / მარკა/მოდელი	გამოშვების წელი	რაოდენობა (ცალი)	ერთეული ავტომანქანის ღირებულება (ლარი)	ჯამური ღირებულება (ლარი)	საგარანტიო ვადა	მიწოდების ვადა
1	მსუბუქი ავტომანქანა	კომპანია-Ford Motor Company; ქვეყანა- გერმანია; მარკა ფორდი; მოდელი ფოკუსი	1 ერთეული- 2016წ; 9 ერთეული- 2017წ	10	27 716.00	277160.00	5 წელი ძირითად აგრეგატებზე (ძრავი, ხიდი გადაცემათა კოლოფი); 3 წელი ან 150000 კმ გარბენი (რომელიც ადრე შესრულდება) სრულ ავტომანქანაზე, გარდა სწრაფცვთადი ნაწილებისა (ელექტრონათურები, ელექტრომცველები, შუშის საწმენდი ჯაგრისები, გადაბმულობის ქურო, საყრდენი დისკი და მომჭიმი საკისარი)	ხელშეკრულების გაფორმებიდან 2 სამუშაო დღე




შესყიდველი
შსს ეკონომიკური დეპარტამენტის
დირექტორი
თიან მელაძე

[Handwritten signature]

მიმწოდებელი
შპს „ჯი-თი მოტორს“-ის
დირექტორი
თემურ უსტიაშვილი

[Handwritten signature]



10 ერთეული მსუბუქი ავტომანქანა			
	მახასიათებელი	მემსყიდველის მოთხოვნა	პროტენდენტის წინადადება
1	ძრავის მოცულობა არანაკლებ (მონაცემები დაბრკალებულია შეათვალისწინეთ)	1.0	1.6
2	სიმძლავრე არანაკლებ	105	ორი ერთეული 105ცხმ; 8 ერთეული-125 ცხმ
3	გადაცემათა კოლოფი	არანაკლებ 5 საფეხურიანი	5 საფეხურიანი მექანიკა
4	სიგრძე არანაკლებ	4483 მმ	4538მმ
5	სიგანე არანაკლებ	1760 მმ	2010მმ
6	სიმაღლე არანაკლებ	1445 მმ	1469მმ
7	საშუალო წვა 100 კმ/საგ ათაუმეტეს	8.5 ლიტრი	6.0 ლ
8	საგარანტიო პირობები	5 წელი ძირითად ავრუგატებზე (ძრავი, ხიდო, გადაცემათა კოლოფი), 3 წელი ან 150000 კმ გარბენი (რომელიც უფრო ადრე შესრულდება) ხრულ ავტომანქანაზე, გარდა სწრაფცვითადი ნაწილებისა (ელექტრონიკური, ელექტრომცველები, შუშის საწმენდი ჯავრისები, გადამშლიობის ქურო, საყრდენი დისკი და მომჭიმი საკისარი)	5 წელი ძირითად ავრუგატებზე (ძრავი, ხიდო, გადაცემათა კოლოფი), 3 წელი ან 150000 კმ გარბენი (რომელიც უფრო ადრე შესრულდება) ხრულ ავტომანქანაზე, გარდა სწრაფცვითადი ნაწილებისა (ელექტრონიკური, ელექტრომცველები, შუშის საწმენდი ჯავრისები, გადამშლიობის ქურო, საყრდენი დისკი და მომჭიმი საკისარი; დაწერილებითი პირობები ისილეთ საგარანტიო მომსახურების შესახებ ინფორმაციაში)
9	უსაფრთხოების დამადასტურებელი დოკუმენტი	NCAP (ევრო ქრამ ტესტი) ან IIHS (ამერიკული ქრამ ტესტი) ან JNCAP (იაპონური ქრამ ტესტი)	ორივე ქრამტესტი
10	ელექტრომუშები	ოთხივე	ოთხივე
11	აუცილებელი მოთხოვნა	სათადარიგო საბურავი	სათადარიგო საბურავი
12	აუცილებელი მოთხოვნა	მინიმუმ 4 უსაფრთხოების ბალიში	4 უსაფრთხოების ბალიში
13	აუცილებელი მოთხოვნა	კონდიციონერი	კონდიციონერი
14	აუცილებელი მოთხოვნა	აუდიო სისტემა	აუდიო სისტემა
15	აუცილებელი მოთხოვნა	საქის გამაძლიერებელი	საქის გამაძლიერებელი
16	აუცილებელი მოთხოვნა	უკანა საქარე მისის ელ. გათბობა	უკანა საქარე მისის ელ. გათბობა
17	აუცილებელი მოთხოვნა	ABS (ბუხრუქების ბლი კორების საწინააღმდეგო სისტემა)	ABS (ბუხრუქების ბლი კორების საწინააღმდეგო სისტემა)
18	დამატებითი მოთხოვნები	უფრო მეტმსყიდველიან შეთანხმებით	უფრო მეტმსყიდველიან შეთანხმებით
19		გამოცემის წელი არაუადრეს 2016 (ექსპლუატაციაში არმყოფი)	1 ერთეული 2017 წლის, ექსპლუატაციაში არმყოფი



დანართი №3

ავტომობილის ზღვრული ფლობის ღირებულება (100 000 კმ-ზე)		
№	დასახელება	ჯამური ღირებულება (ლარი)
1	ავტოსატრანსპორტო საშუალების ღირებულება	27 716.00
2	ძრავის ზეთის ხარჯი	1 200.00
3	ძრავის ზეთის ფილტრების ხარჯი	280.00
4	წინა ხუნდების ხარჯი	1620.00
5	უკანა ხუნდების ხარჯი	1885.00
6	ჰაერის ფილტრის ხარჯი	330.00
7	კონდინციონერის ფილტრის ხარჯი	450.00
8	ძრავის ღვედი	
9	ანთების სანთლები	110.00
10	საწვავის ხარჯი	6 000.00
ერთი ერთეულის ფლობის ღირებულების ჯამი		39 601.00



№	დასახელება	განზომილება (ცალი, კომპლექტი, ლიტრი და ა.შ.)	რაოდენობა (100 00 კმ-ზე)	სატარის ერთეული	მომსახურების ერთეული ფასი	გადასახადების კომპლექტის დირექტორის ფასი	დაცვის დირექტორის ფასი	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	ჯამი
								1 000	10 000	20 000	30 000	40 000	50 000	60 000	70 000	80 000	90 000	100 000		
1	ძრავის ზეთი	ლიტრი	40	25	20	200	1000	-----	120	120	120	120	120	120	120	120	120	120	1200	
2	ზეთის ფილტრი	ცალი	10	28	-----	-----	280	-----	28	28	28	28	28	28	28	28	28	28	280	
3	ჰაერის ფილტრი	ცალი	5	58	8	40	290	-----	66	66	66	66	66	66	66	66	66	66	330	
4	წინა სამუხრუჭე ხუნდი (კომპლ)	კომპლექტი	5	296	28	140	1480	-----	324	324	324	324	324	324	324	324	324	324	1620	
5	უკანა სამუხრუჭე ხუნდი (კომპლ)	კომპლექტი	5	337	40	200	1685	-----	377	377	377	377	377	377	377	377	377	377	1885	
6	კონდიგ. ფილტრი	ცალი	5	80	12	60	400	-----	92	92	92	92	92	92	92	92	92	92	460	
7	ანთების სანთელი	ცალი	4	20	30	30	80	-----	-----	-----	-----	-----	-----	-----	-----	-----	-----	-----	110	
8	ძრავის ღვედი	არ აქვს			-----			-----	-----	-----	-----	-----	-----	-----	-----	-----	-----	-----	-----	
	სულ ჯამი დღგ-ს ჩათვლით																			5885

შენიშვნა:

პრეტენდენტმა აღნიშნული ცხრილის სახით უნდა წარმოადგინოს განფასება ავტოსატრანსპორტო საშუალების ფლობის ღირებულების კომპონენტების მიხედვით (მისაწოდებელი ავტოსატრანსპორტო საშუალების პირველადი ხარჯვადი სათადარიგო ნაწილების, საცხებ-საპოცი მასალების, ფილტრების და ა.შ. ცვლის პარამეტრების (შეცვლის პერიოდულობის), საჭონისა და მომსახურების რაოდენობის შესახებ, ღირებულებების მითითებით).

აღნიშნული წარმოადგენს ავტოსატრანსპორტო საშუალების თანმდევ საგარანტიო პირობებს, რომელიც ძალაშია მთლიანი საგარანტიო პერიოდის ვადაში და რომელიც შეფასების მიზნით პირობითად დათვლილია 100 000 კმ-ზე. გეგმიური ფასიანი მომსახურების დროის ათვლა დაიწყება შესყიდვის ობიექტზე მიღება-ჩაბარების აქტის გაფორმების დღიდან

წარმოდგენილი ინფორმაცია უნდა შეესაბამებოდეს (უნდა იყოს არანაკლებ) საგარანტიო ვადის განმავლობაში, ავტოსატრანსპორტო საშუალების მწარმოებელი კომპანიის მიერ ტექნიკური რეგლამენტით განსაზღვრულ გასაწევ გეგმიურ-სერვის მომსახურების პირობებს (რომელიც უნდა წარმოადგინოს მიმწოდებელმა).

შეცვლის პირობაში იგულისხმება თუ რა გარბენის დროს უნდა მოხდეს საცხებ/საპოხი მასალის ან სათადარიგო ნაწილის ცვლილება.

მიმწოდებლის მიერ შესაღებელია რაოდენობაში მითითებული იქნას არა მთელი რიცხვი. მაგალითად თუ ძრავის ზეთი უნდა შეიცვალოს ყოველ 12 000 კმ-ზე, რაოდენობაში მითითებული შეიძლება იყოს 8.33 * ერთ ჯერზე შესაცვლელი ძრავის ძეთის ლიტრი (გრამი).
 $8.33 = 100\ 000 / 12\ 000$



ინფორმაცია გარანტიის ვადების/პირობების და სატენდერო დოკუმენტაციის 1.7.1.7 პუნქტის მოთხოვნით გათვალისწინებული ვალდებულებების შესახებ

შპს „ჯი-თი მოტორს“-ი აღიქვს შემსყიდველს გარანტიას მიღება-ჩაბარების აქტის გაფორმებიდან 5 (ხუთი) წელი ძირითად აგრეგატებზე (ძრავი, ხიდი, გადაცემათა კოლოფი) და 3 წელი ან 150000კმ გარბენი (რომელიც უფრო ადრე შესრულდება) სრულ ავტომანქანაზე გარდა სწრაფცვითადი ნაწილებისა (ელექტრონათურები, ელექტრომცველები, შუშის საწმენდი ჯაგრისები, გადაბმულობის ქურო, საყრდენი დისკი და მოჭიმი საკისარი).

მიმწოდებელი საგარანტიო ვადის განმავლობაში გამოვლენილი წუნის/ხარვეზის/დეფექტის/ვაუშართობის აღმოფხვრას უზრუნველყოფს საკუთარი ხარჯებით. შემსყიდველის მიერ განსაზღვრულ გონივრულ ვადაში, საგარანტიო მომსახურების სპეციფიურობის შესაბამისად. შემსყიდველის მხრიდან დამატებითი დანახარჯების გაწევის გარეშე, რა შემთხვევაშიც ავტომანქანის ტრანსპორტირებას უზრუნველყოფს მიმწოდებელი. შემსყიდველთან წინასწარ შეთანხმებული იქნება ტრანსპორტირება/ევაკუაციის ფასი და სხვა პირობები. მიმწოდებელი იღებს ვალდებულებას, რომ თუ ვერ ხერხდება წუნდებული დეტალის/აგრეგატის შეკეთება, მოახდენს ქარხნული წუნის მქონე დეტალის ან აგრეგატის შეცვლას ახალი დეტალით/აგრეგატით. თანმდევი საგარანტიო პირობების ფარგლებში, გვემიური ფასიანი მომსახურების განხორციელება მოხდება დანართი N4-ით წარმოდგენილ ცხრილში დაფიქსირებული ფასების შესაბამისად. მიმწოდებელი გვემიური მომსახურების ჩატარებას უზრუნველყოფს ავტომობილის წარმოდგენიდან არაუგვიანეს 2 სამუშაო დღის განმავლობაში. ფლობის განფასება ძალაში იქნება ავტომობილის საგარანტიო ვადის ამოწურვამდე;

-საგარანტიო პირობებით განსაზღვრული მოთხოვნები, ძალაში იქნება საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა და გავლილი კილომეტრაჟისა. ამასთან, საგარანტიო პერიოდში ტექ-მომსახურების გაწევისას გამოყენებული იქნება სათანადო ნაწილები/საცხებ-საპოხი მასალები ახალი (ექსპლუატაციაში არმყოფი და რეკომენდირებული ავტომანქანის მწარმოებლის მიერ);

- სატენდერო დოკუმენტაციის 1.7.1.7 პუნქტის მოთხოვნის შესაბამისად მიმწოდებელი იღებს ვალდებულებას საგარანტიო პერიოდში, თუ ავტომობილის რეგლამენტით განსაზღვრული არაა წინა და/ან უკანა ხუნდის ხუთჯერ გამოცვლა, მაგრამ საჭირო გახდა წინა ან უკანა ხუნდის არგემიური, დამატებითი გამოცვლა, მაშინ (არანაკლებ ხუთჯერ) უზრუნველყოს შემსყიდველისთვის წინა და უკანა ხუნდების მიწოდება უსასყიდლოდ. (გარდა იმ შემთხვევისა, როცა არაგემიური გამოცვლა გამოწვეულია ავტომობილის ექსპლუატაციის წესების დარღვევით.);

მიმწოდებელი, სწორი ექსპლუატაციის პირობებში ასევე იძლევა გარანტიას, ერთი სავალდებულო პერიოდული სერვისული მომსახურებიდან შემდგომ სავალდებულო პერიოდულ მომსახურებამდე შემდეგი დეტალების გამართულ მუშაობაზე: ზეთზე, ანტიფრიზზე, ჰაერის, ზეთის და სალონის ფილტრებზე, საშუსოვნე ხუნდებზე, ანთების/გახურების სანთლებზე; გენერატორის და კონდიციონერის დეტალებზე; ეს პირობა ვერ გავრცელდება თუ ნაადრევი გამოცვლის აუცილებლობა გამოწვეულია:

- დადგენილი პერიოდული სერვისის ვადების დარღვევით; -ამ დეტალების დროულად გამოუცვლელობით; -თუ დაზიანებულ დეტალს აღენიშნება გარეგანი მექანიკური ზემოქმედების კვალი (მათ შორის გადახურება); -თუ დაზიანება გამოწვეულია არასწორი ექსპლუატაციით და/ან უხარისხო საწვავით; გადატვირთვით და სხვა არასტანდარტული მოპყრობით; - თუ ფილტრების ნაადრევი გამოცვლის აუცილებლობა გამოწვეულია გარემო პირობებით; -თუ ანთების სანთლების ნაადრევი გამოცვლა საჭირო გახდა უხარისხო საწვავის გამოყენების გამო;

გარანტიის შენარჩუნების მიზნით შემსყიდველი ვალდებულია:

-ა) შემსყიდველი ვალდებულია საგარანტიო პერიოდის განმავლობაში ავტომობილს და მის ნებისმიერ აღჭურვილობას ნებისმიერი სახის ტექნიკური მომსახურება ნაუტაროს და ნებისმიერი სათანადო ნაწილები შეიძინოს მხოლოდ შპს „ჯი-თი მოტორს“-ის სერვის ცენტრებში; ტექმომსახურება გაწეული იქნება თბილისში (დადგენილების ხეივანის #163) და ბათუმში: სელსან საბა ორბელიანის 7-ში. საგარანტიო შემთხვევათა კატეგორიის სერვისი ნატარდება მხოლოდ თბილისის სერვის ცენტრში. საგარანტიო მომსახურება განხორციელდება დაზიანებული დეტალის/აგრეგატის შეკეთებით ან საჭიროების შემთხვევაში - შეცვლით.

-ბ) შემსყიდველი ვალდებულია საგარანტიო ვადის განმავლობაში დაიცვას თანმდევი საგარანტიო პერიოდული მომსახურების პირობები და პერიოდულობა, ასევე, შემსყიდველმა უნდა განახორციელოს ზეთის სავალდებულო შეცვლა პირველ 10 000 კმ გარბენზე, შემდგომ ყოველ 10 000 კმ გარბენზე; აგრეთვე შემსყიდველმა ყოველ 20 000 კმ გარბენზე უნდა განახორციელოს თავის ხარჯით საწვავის ფილტრის გამოცვლა;

- გ) შემსყიდველი ვალდებულია არ მოახდინოს გარბენის მრიცხველის ნებისმიერი მიზეზით გათიშვა ან ცვლილება, ასევე აკრძალულია ქარხნულად დადგენილი დეტალების დუქის მოდიანობის დარღვევა;

უფლება ზემოთაღნიშნულ მოთხოვნათა დარღვევის აღმოჩენის შემთხვევაში მიმწოდებელი უფლებამოსილია ვადაზე ადრე შეწყვიტოს გარანტია;


• გარანტია არ ვრცელდება:

• სათანადო ნაწილებზე, რომლებიც სწრაფცვითადი დეტალების ნუსხას მიეკუთვნება, კერძოდ: (ელექტრონათურები, ელექტრომცველები, შუშის საწმენდი ჯაგრისები, გადაბმულობის ქურო, საყრდენი დისკი და მოჭიმი საკისარი);



- იმ დეტალებზე, რომელთა დაზიანება გამოწვეულია დადგენილი საავადმყოფო პერიოდული სერვისის ვადების დარღვევით; ამ დეტალების დროულად გამოუცვლელობით; თუ დაზიანებულ დეტალს აღენიშნება გარეგანი მექანიკური ზემოქმედების კვალი; თუ დაზიანება გამოწვეულია არასწორი ექსპლუატაციით; უხარისხო საწვავით; გადატვირთვით და სხვა არასტანდარტული მოპყრობით; თუ საგარანტიო ვადაში რაიმე დეტალი/მომსახურება შეძენილია მიმწოდებლის სერვისის გვერდის ავლით;
- გარანტია არ ერცელდება:
- დიაგნოსტიკასთან და სამუხრუჭე სტენდზე შემოწმებასთან დაკავშირებულ სამუშაოებს;
- საბურავებს, საბურავის სარკველზე, წნევის სენსორსა და სავალი ნაწილის გეომეტრიის კორექტირებაზე (ე.წ. რაზვალ-სხოდზე);
- კარების, კოლოტის, საბარგულის ხახურავის, ლუქის ხახურავის რეგულირებაზე;
- ფარების განათების რეგულირებაზე;
- დაზიანებაზე, რომელიც არის გამოწვეული მძღოლის მიერ ავტომობილის ექსპლოატაციის წესების დარღვევით; როდესაც დაზიანებულ და მასთან მიხეს-შედგობრივად დაკავშირებულ ნაწილს აღენიშნება მექანიკური, თერმული ან სხვაგვარი გარეგანი ზემოქმედების კვალი, ავტომობილის მწარმოებლის მიერ დადგენილი ზღვრული ტვირთამწოდის გადაშეცემით გამოწვეულ დაზიანებებზე;
- საავტომობილო შემთხვევებით, შეჯახებით, ხანძრით ან აფეთქებით, ყინვის ზემოქმედებით გამოწვეულ ხათადარიგო ნაწილის დაზიანებაზე;
- მანქანის როგორც ელექტრო ენერგიის სტაციონარულ წყაროდ გამოყენების შედეგად გამოწვეულ დაზიანებებზე;
- ავტომობილის საქარხნო ელექტრო და მექანიკურ კომპონენტებში ცვლილებების შეტანის გამო გამოწვეულ დაზიანებაზე;
- თვითნებურად დამონტაჟებული ნაწილებზე, რომლებიც მწარმოებლის მიერ არ არის დამონტაჟებული, მაგალითად, ბოჭკოვან ტელეფონებზე, სიგნალისაკციებსა, ავტომატური ნართვის სისტემებზე და სხვა;
- წყალში ღრმად ტარების (როცა დაფარულია საბურავები და/ან წყალი აღწევს აგრეგატებსა და/ან ქარხნულად დალუქულ დეტალებამდე) შედეგად გამოწვეულ დაზიანებებზე;
- მწარმოებლის სტანდარტებთან შეუსაბამო საწვავის, ზეთების, გამაგრილებელი, სამუხრუჭე, ჰიდრაულიკის და სხვა სითხეების გამოყენების შედეგად გამოწვეულ დაზიანებებს; ბუნებრივი ცვეთით გამოწვეულ დაზიანებებზე;

პრეკენდენტი: შპს ჯი-თი მოტორს





ხელშეკრულების შესრულების საბანკო გარანტია # PE43625-18

თბილისი

14 დეკემბერი 2018 წელი

გარანტი: სს საქართველოს ბანკი (შემდგომში „გარანტი“)

გარანტის საიდენტიფიკაციო კოდი: 204378869

გარანტის მისამართი: გაგარინის ქ. #29ა, თბილისი, 0160, საქართველო

პრინციპალი: შპს ჯი-თი მოტორს (შემდგომში „პრინციპალი“)

პრინციპალის საიდენტიფიკაციო კოდი: 206276340

პრინციპალის მისამართი: საქართველო, თბილისი, საბურთალოს რაიონი, დავით აღმაშენებლის ხეივანი, N 155

ბენეფიციარი: საქართველოს შინაგან საქმეთა სამინისტრო (შემდგომში „ბენეფიციარი“)

ბენეფიციარის საიდენტიფიკაციო კოდი: 204383176

საგარანტიო თანხა: 13,858 (ცამეტი ათას რვაასორმოცდათვრამეტი) ლარი

ტენდერის უნიკალური ნომერი: #NAT180018416

მხედველობაში ვიღებთ რა, რომ პრინციპალმა 10 (ათი) ერთეული მსუბუქი ავტომანქანის მიწოდების მიზნით წარდგენილი სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ, გარანტი, თანახმა ვართ გავცეთ პრინციპალის სახელზე აღნიშნული უპირობო და გამოუთხოვადი საბანკო გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის სახელით საერთო თანხაზე, არაუმეტეს ჯამში 13,858 (ცამეტი ათას რვაასორმოცდათვრამეტი) ლარი და ვკისრულობთ ზემოთ აღნიშნული თანხის გადახდას პრინციპალის მიერ ხელშეკრულების პირობების დარღვევის შემთხვევაში ბენეფიციარის პირველივე წერილობითი მოთხოვნის წარმოდგენის საფუძველზე, მოთხოვნის მიღებიდან მომდევნო 5 (ხუთი) საბანკო დღის ვადაში.

ბენეფიციარის წერილობითი მოთხოვნა თანხის ანაზღაურებაზე წარმოდგენილ უნდა იქნეს ბენეფიციარის მხრიდან აღნიშნულ დოკუმენტზე უფლებამოსილი პირის მიერ ხელმოწერილი ფორმით, სადაც მითითებულ იქნება მოთხოვნილი თანხა ციფრობრივად და სიტყვიერად, საბანკო რეკვიზიტები და განმარტებული უნდა იყოს კონკრეტულად პრინციპალსა და ბენეფიციარს შორის გაფორმებული ხელშეკრულების რა პირობები იქნა დარღვეული პრინციპალის მხრიდან დამატებითი მტკიცებულებების წარმოდგენის საჭიროების გარეშე. მოთხოვნას თან უნდა ერთვოდეს მოთხოვნაზე ხელმოწერი პირის უფლებამოსილების დამადასტურებელი დოკუმენტი (ბანკი უფლებამოსილია არ მოითხოვოს აღნიშნული საბუთი, თუ ხელმოწერი პირის უფლებამოსილების შესახებ ინფორმაცია საჯაროდ ხელმისაწვდომია) და საბანკო გარანტიის ასლი.

წინამდებარე გარანტია ძალაშია პრინციპალის მიერ ხელშეკრულების პირობების შესრულების საბოლოოდ დამთავრებამდე, მაგრამ არაუგვიანეს: 21 თებერვალი 2019 წელი, შესაბამისად წინამდებარე გარანტია მოქმედებს აღნიშნული თარიღის ჩათვლით.

ზემოთქმულიდან გამომდინარე, ბენეფიციარის მიერ წარმოდგენილი წერილობითი მოთხოვნის ორიგინალი დოკუმენტი თანხის ანაზღაურებაზე, გარანტის მიერ მიღებულ უნდა იქნას გარანტიის მოქმედების ვადის ჩათვლით სს „საქართველოს ბანკის“ სათავო ოფისში, კანცელარიის სამსახურში, ვაჭრობის ფინანსირების დეპარტამენტის საყურადღებოდ, თბილისის დროით (UTC / GMT +04: 00 საათი) 17:00 საათის ჩათვლით, შემდეგ მისამართზე: გაგარინის ქ. #29ა, თბილისი 0160, საქართველო.

საბანკო გარანტია ავტომატურად უქმდება ქვემოაღნიშნული გარემოებებიდან ერთ-ერთის დადგომისთანავე:

- საბანკო გარანტიის ვადის გასვლით.
- გარანტის მიერ ბენეფიციარისთვის ცმ თანხის გადახდით, რომელზედაც გაიცა საბანკო გარანტია.
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმით.

გარანტის მიმართ საბანკო გარანტიიდან გამომდინარე ბენეფიციარის კუთვნილი მოთხოვნის უფლების გადაცემა/დათმობა სხვა პირისათვის დაუშვებელია გარანტის წერილობითი თანხმობის გარეშე.

წინამდებარე საბანკო გარანტია რეგულირდება საქართველოს კანონმდებლობით.

პატივისცემით,

ეთერ ჩხეიძე

გარანტიების სამსახურის უფროსი

